

Nunatsinni atuarfinnut namminersortunut aningaasatigut tapiissuteqartannginnissamut Naalakkersuisut inatsisissatut siunnersuummik suliaqaqqullugit Inatsisartut aalajangiiffigisassaattut siunnersuut. Inatsisissatut siunnersuut kingusinnerpaamik UKA2026-mi saqqummiunneqassaaq.

(Inatsisartunut ilaasortaq Kuno Fencker, Naleraq)

Siullermeerneqarnera

Siulittaasoq qujanaq

Aamma Naleqqamiit Inatsisartut aalajangiiffigisassaattut siunnersuuteqartumut, Kuno Fencker, Naleraq, qutsavigaarput.

Naligiinnginneq

Immikkoortitsineq.

Nunatsinni qiviaraanni taakku atuupput taasartagaanni ‘tunngaviusumik atuarfiit namminersortitat’, tassa privatskolit.

Unneqqarilluta oqaatiginiartigu: Tunngaviusumik atuarfik namminersortitaq, privatskole, frie grundskole, nunatsinni ataasiinnaavoq, tassa Nuuk Internationale Friskole.

Akileraartartut sinerikak tamakkerlugu piumaginngikkaluarunilluunniit akilersorpaat.

Nammineq ingerlanissaanut akileraartartut akiliipput meerartami aningaasassaralui tunniunneqartarput privatskole-nut, meerai peqataaffiginngisaannagassaannut.

Atuarfiit namminersortitat soorlu Nuuk Internationale Friskole kikkut atuartuutigissallugit nammineq toqqaasinnaapput – Nuuk Internationale Friskole nittartaagaanni atuarneqarsinnaavoq:

“Atuartunut tunngatillugu kiffaanngissuseq atuarfiup nammineq kikkut atuartuutigissallugit toqqaasinnaaneranut periarfissiisuuvoq. Atuartut tamarmik NIF-imi aallartinnissaminnik kissaateqartut akuerisaanermi periutsimik ingerlatsissapput”¹

Taamatut immikkoortiterineq nunatsinni pisoq kusanaalluinnarpoq ingammik eqqarsaatigissagaanni una; inuiaqatigiit tamatta akileraarutit aqqutigalugit tapiissuteqartartugut.

¹ <https://nif.gl/uagut-pilluta/friskolemut-tikilluarit>

Akuerineqarsinnaanngilaq.

Nuuk Internationale Friskole nammineq aalajangersinnaavaa una qinnuteqartoq akileraarutit aqqutigalugit akiliisaraluartoq perusunnagu, isertikkusunnagu.

Mamianaqaaq.

Illumoorsinnaanngilaq.

Ingerlatseqatigiiffik Posthuset A/S² selskab-eq nunatsinniittoq, tassani suliffeqarfiit Inuaqatigiit pigisaat, Royal Arctic Line aammalu Royal Greenland, piginnittutut akornanniipput.

Suliffeqarfiit inniminniinermi inissai salliutinneqartarput. Taava isumaqarpoq suliffeqarfiit taakku ilaasortaasa meeraai salliutinneqartartut. Tamattalu tamanna akileeqataaffigalugu.

Illumoorsinnaanngilaq.

Taamatut ingerlaniarpata taava tamaat akilerniarlissuk.

Inuaqatigiittut tamaavitta akilersugagut uagut suliffeqarfiutigut, uagut kinaluunniit sulisartoq, asaasup, taxartitsisup, aalisartup akilersueqataaffigisai suliffeqarfiit, tamatta pigisagut, tassa taakku akilersueqataapput immikkut aaliangersimaaqqissaartuinnaat, immikkut tikilluaqqusaasuinnaat meeqqatik immikkoortillugit atuartinneqarnissaat qulakkeerneqarniassammat.

Sineriak tamaat akileeqataasarpoq Nuuk Internationale Friskole-mut.

Inuaqatigiit namminersortut puallarsertussaannngilaat.

Sineriak tamakkerlugu, Qaanaamiut, Tasiilarmiut, Itillermiut, Nanortalimiut, aalisartoqarfiit, Nuuk Internationale Friskole aningaasalersorpaat, taakkulu meerai ilaannngisaannartussat.

Pisortat atuarfimmu immikkoortitaluni aningaasartuuteqassanngilaq.

Pisortat, tassa inuaqatigiit, atuarfiinnut namminersortitanut akiliisussaannngillat.

Nammineerniarunik namminiissapput – inuaqatigiit tapiissanngillat. Nammineq imminnut aningaasartuuteqarniarlik.

Nunatsinni innuttaasut sutigut tamatigut assigiimmik neqeroorfigineqarnissaat Naleraq sulissutigisuaannassavaa. Tamanna atuartinneqarnissamut aamma atuuppoq.

² <https://cvrapi.dk/virksomhed/dk/ejendomsselskabet-posthuset-as/12371314>



Angajoqqaat meeqqami atuartinneqarnissaannut allanut toqqaasinnaanerminnut soorunami pisinnaatitaaffeqartussaapput aammami pisinnaatitaaffeqarput. Taanna kimilluunniit assortorneqarunanngilaq.

Kisianni ilaqutariit aningaasatigut nukittuusut, atuarfimmik namminersortitamik toqqaasinnaareersut, taakkua pisortaniit aningaasalersorneqartassasut ilumoorinnaanngilaq.

Ukiumoortumik ingerlatsineranut tapiissutit atuartumut ataatsimut 40.000 koruunit missaani naleqarpoq. Taava Nuuk Internationale Friskole atuartut 200 missaaniipput, tassa ukiumut 8 mio. koruunit tassunga akilertarparput.

Naalakkersuisut akissutaanni takusinnaavarput erseqqissaassutigigaat pisortat tapiissuteqartarnerat atorunnaarsinneqassappat ilaatigut kingunerisinnaavaat atuartut 200-it missaata tungaannut taarsiullugu kommunit meeqqat atuarkiini atuartuulertariaqassasut. Taamaattumillugooq meeqqat atuarkiinnik tatisimaarinninneq annertuseriartussasoq. Kisianni Naalakkersuisut puigorsimarpasippaat una; siunnersuumi erseqqissaarneqarpoq atuarkiinnut namminersortitanut pisortanit aningaasalersornerat sipaarneqartussaasut. Taakkulu aningaasat atorneqarsinnaassagualarput meeqqat atuarkianut.

Taamaattumik ilumuunngilaq innarliissutaassasoq.

Meeqqat atuarkiani pitsaassutsimut aammalu atuartut atuarkitsisullu atugarissaarnerannut iluaqutaasinnaavoq aningaasat taakku meeqqat atuarkianut atorneqaannartuuppata. Kukkussut, imaluunniit ajornartorsiut, uaniinnerorpasippoq: Naalakkersuisut pisortallu aqutsinerlunnerat.

Pisariaqartipparput pitsaasumik aqutsineq pilersaarusiullaqqinnerlu. Massakkut pissutsit pisortallu aqutsinerlunnerat malinnaaffigalugit nuannerluinnanngilaq.

Nuummigooq tatisimaarinninneq annertuvoq - taavammi taakku aningaasat tigugutsigit meeqqat atuarkiannut tunniullugit.

Atuarkiit aningaasanik amigarput!

Atuarfeqarkiit soorlu Nuummi artorsarput aningaasat asuli agguanneqartarmata, soorlu privatskolenut.

Nuummi atuarkiit oqoqarmata marluk matupput (ASK aamma USK). Atuarkik nutaaq sulii ammanngilaq. Taamaakkaluartoq privatskole inuiaqatigiit akiligaannut meeqqat atuariarsinnaanngillat akileeqqaaartinatik. Aali inuiaqatigiit tamatta akilersugarput.

Unitsittariaqarparput!



Aamma Inuiaqatigiit tamarmik peqataaffigisinnaasaanik taakku aningaasat soorlu timersornermut atorneqarsinnaagaluarput. Timersornermut aningaasat ujartorneqartut tusaareerparput.

8 mio. koruunit sumut atorluarsinnaavagut?

Tunngaviusumik atuarfiit namminersortitat, privatskolit, kikkunuku iluaqutigigaat?

Inuiaqatigiinnut qanoq iluaqutaava?

Aamma Naalakkersuisut akissutaani eqqumiittoqalaarpoq. Sooruna Naalakkersuisut akissutaani Kommuneqarfik Sermersooq sinnerlugu oqaaseqartut?

Kommune qanoq isumaqarpat? Kommune aperineqarpat? Kommune taakku 8 mio. koruunit atorusunnerunngilaat atuarfinnut allanut?

Aamma angajoqqaat meeqqat atuarfimiittut qanoq isumaqarpat? Qanoq oqarpat?

Nalunngilaat pissutsit taamaattut? Nalunngilaat pitsaanerusumik inissisimasoqartoq?

Apeqqutit taakku takkupput Naalakkersuisut akissutaat atuarakku.

Naligiinnerulernissaq Naleqqamiit ujartortuaannassavarput. Soorunalimmi aamma nunatsinni atuarfeqarfiit pineqarpata.

Namminerisamik arlaat atuarfimmik pilersitsiniarpat namminersortutut ingerlasussaq nammineq imminut aningaasalersussaaq. Tamanna Naleqqamiit sumilluunniit akerlerinngilarput. Atuarfik sunaluunniit nammineq ingerlaniartoq, killilersuiniartoq, immikkoortitaluni periuseqarniartoq aamma taamaasiornissamut kiffaanngissuseqarpoq. Nammineeruni!

Siunnersuutilli qitia tassaavoq atuarfik nammineerniartoq inuiaqatigiit akilersussanngikkaat.

Maannami taamaakkami.

Tamanna ajorpoq.

Taamammat siunnersuut tamakkiisumik taperserparput, Inuiaqatigiimmi tamakkununga akilersueqataanissaat akuerinngilluinnaratsigu.

Taamatut oqaaseqarlunga Naleqqamiit siunnersuut taperserlugu tamakkiisumik akuerineqarnissaanut innersuussuteqarpugut. Siunnersuut Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamut ingerlateqqipparput. Neriullutalu ataatsimiititaliami qulaani taakkartukkagut anguniakkagullu sukumiisumik misissorneqarluarumaartut, ataatsimiititaliarlu sulilluarnissaannut kissaappagut.

Qujanaq.